



## JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000      CENTRALA/FAX: +38735369920

n-dijete@bih.net.ba      www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravila Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

### **O D L U K U**

#### **o izboru najpovoljnijeg ponuđača**

##### **I**

Kao najpovoljniji ponuđač u postupku nabavke usluga čišćenja za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Samsic“ d.o.o. Sarajevo.

##### **II**

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

##### **III**

Zadužuje se Služba za pravne, kadrovske i opće poslove da pripremi sve predušlove za zaključenje okvirnog sporazuma sa izabranim ponuđačem po proteku predviđenih zakonskih rokova i procedura.

##### **IV**

Vrijednost ove nabavke iznosi 29.995,00 KM bez PDV-a i ista se uklapa u procijenjenu vrijednost nabavke iz Posebne odluke o pokretanju br. 01-11-149-2/2021, šifra JRJN 90910000-9.

##### **V**

Odluka stupa na snagu po konačnosti i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama („Sl. glasnik BiH“, broj: 39/14).

### **OBRAZLOŽENJE**

Na osnovu Zahtjeva za pokretanje postupka javne nabavke br. 01-11-149-1/2021 i Posebne odluke o pokretanju br. 01-11-149-2/2021, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-149-3/2021 od 18.01.2021. godine. Postupak je objavljen na Portalu javnih nabavki BiH broj obavještenja 1194-7-2-18-3-1/21 od 18.01.2021. godine, a poziv za preuzimanje tenderske dokumentacije sa Portala javnih nabavki je upućen privrednim subjektima: „Samsic“ d.o.o. Sarajevo, „Đulir Company“ d.o.o. i DSO „Daka prom“ Tuzla, dok je predmetnu tendersku dokumentaciju u sistemu „E-nabavke“ preuzelo 10 (deset) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-11-258-1/2021 od 22.01.2021. god., konstatovala je da je ponudu predalo 2 (dva) ponuđača: „Samsic“ d.o.o. Sarajevo – broj protokola 01-11-312/21 i „Euro-EMS“ d.o.o. – broj protokola 01-11-344/21.

Komisija je izvršila otvaranje, pregled i ocjenu primljenih ponuda i utvrdila sljedeće:

- ponuda ponuđača „Euro-EMS“ d.o.o. nije prihvatljiva iz razloga što ponuđač, u cilju dokazivanja profesionalne sposobnosti za učestvovanje u postupku predmetne nabavke, nije dostavio potvrde o uredno izvršenim ugovorima koje ponuđaču izdaje druga ugovorna strana o njihovoj realizaciji, a što je traženo tačkom 3.3.2. tenderske dokumentacije. Naime, navedeni ponuđač je na str. 24 svoje ponude dostavio Referenc listu br. 02-REF-2021, kao i ugovore o nabavci usluga čišćenja sa sljedećim ugovornim stranama: „IDDEEA“ Banja Luka, Općina Novi Travnik, „Hrvatska pošta“ d.o.o. Mostar, „Trend-tex“ d.o.o. Doboj-jug. Ponuđač je propustio da dostavi tražene dokaze jer potpisani ugovori nisu dokaz da li je ponuđač i na koji način izvršio svoju ugovornu obavezu, a s obzirom da je počeo s poslovanjem 01.04.2020. godine, mogao je da dostavi potvrde o uspješno



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000    CENTRALA/FAX: +38735369920  
n-dijete@bih.net.ba    www.nasedijete.ba

realizovanim ugovorima za period od potpisivanja ugovora do momenta predaje ponude. Takođe, ponuđač „Euro-EMS“ d.o.o. je na str. 39 svoje ponude dostavio Izjavu br. 05-IZJ-2021 da raspolaže kapacitetima drugih subjekata, odnosno društva „EMMS“ d.o.o. Jelah-Tešanj, kao i izjavu-saglasnost br. 01/05-2021 društva za konsalting i čišćenje „EMMS“ d.o.o. na str. 40 ponude da navedeno društvo daje na raspolaganje potrebne resurse ponuđaču „Euro-EMS“ d.o.o., i u tom smislu priložio potvrde o uredno izvršenim ugovorima privrednog subjekta „EMMS“ d.o.o. Jelah-Tešanj. Navedene potvrde društva „EMMS“ d.o.o. Jelah-Tešanj ne mogu se prihvatiti za dokazivanje profesionalne sposobnosti ponuđača „Euro-EMS“ d.o.o. iz razloga što ponuđač nije pravni sljednik društva „EMMS“ d.o.o. Jelah-Tešanj, a izvršene usluge nisu kapaciteti drugih subjekata i ne mogu biti predmetom ustupanja između privrednih subjekata. Takođe, ponuđač je na str. 3 svoje ponude, u Aneksu 2. tenderske dokumentacije, naveo da nema namjeru vršiti podugovaranje u ovom postupku javne nabavke.

Zbog svega navedenog, ponuđač „Euro-EMS“ d.o.o. nije dokazao da je profesionalno sposoban za izvršenje predmetne nabavke i ponuda navedenog ponuđača je ocijenjena neprihvatljivom.

- Komisija je konstatovala da ponuda ponuđača „Samsic“ d.o.o. Sarajevo ispunjava sve uslove tražene tenderskom dokumentacijom i ista je ocijenjena prihvatljivom.
- U tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije („Sl. list BiH“ broj 66/16 od 06.09.2016. godine), ali s obzirom da je pristigla samo jedna prihvatljiva ponuda, planirana e-aukcija nije zakazivana, nego je postupak okončan u skladu s članom 69. stav (1) tačka a).

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je konstatovalao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

**Pouka o pravnom lijeku:**

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.

**DOSTAVLJENO:**

1. Ponuđačima
2. Spis
3. A/a



DIREKTOR

/ Karić Sanja, dipl. iur /

Broj: 01-11-149-9/2021  
Tuzla, 04.02.2021. god.